


白崖瀑布






丹水風馬

丹水風馬







姑峯朝靄



香巖暮鐘

清川集



四





洞門魚出





泉窟雞鳴




震泉互吸





三眉凌空





東至內鄉界六十里
西界至內鄉六十里



嶺新愁

中校



里十五林書

山泉龍黑

龍象
里三東縣



普濟



山金鳳



東至鄧州界九十里

山照不
里十八南東縣



龍女泉


六條河

山崖白
里百一南東縣



里十四南
州均三南

山雷
里十二東縣



北至盛氏縣界二百八十里

花園關

西二百二十里

黃鎖里山




洞

洞

鎮里洞

洞



城隍廟

丹朱墓



崖峯山

西一百里



獨阜山

西九十九里



丹崖山



高嶺山
王太子山

高嶺山

王太子山



洞



魚岩

西至陝西
商南縣界
二百四十里

楓
流
樓


葛花山

西一百里



凌峯山

黃龍泉



龍山

西二十里

黑馬泉



泉



泰山



嶺峯



府君廟



盤子山

界六十里



土地廟

龍潭

西至湖廣鄂縣三十里

文興寺

廳治


常平倉

大星廟

文廟

文昌祠

文昌祠



城守營

關廟

城隍廟

武安觀

彌備倉

養濟院

相

儒學圖

教諭署



西齋 東齋

訓導署



西廡 東廡



戟門

池

文昌祠

儒學門

奎樓

續修浙川廳志姓氏

鑒定

南陽府知府

金梁

順天大興人
監生

知府銜浙川廳撫民同知

高偓

湖南桃源人
戊寅科舉人

倡修

前署浙川廳撫民同知

王官亮

浙江會稽人
己酉科舉人

總纂

署浙川廳撫民同知

徐光第

浙江蕭山人
庚戌科進士

分修

五品銜浙川廳教諭

衛

雅

懷慶濟源人
乙未科舉人

參訂

知縣用荆子關縣丞

胡瑞治

湖北江夏人
監生

署照磨兼司獄事

陳理裕 順天大興人 監生
劉紹鏞 江蘇上元人 監生

採訪

貢生候選訓導

李倬

廩

生

馬晉錫

廩

生

馮汝階

廩

生

李騰霄

廩

生

陳伯元

廩

生

藺海觀

廩

生

李景堂

廩

生

吳權之

廩

生

龔英霈

廩

生

陳宅庚

廩

生

李玉涵

增

生

陳琅

增

生

顧曜南

增

生

賈逢辰

增

生

劉玉書

增

生

王階平

增

生

李書富

附

生

劉權

附

生

劉杲

附

生

申祥泰

附

生

穆天爵

附

生

劉楨

監刻

六品軍功監生

李全仁

六品軍功監生

劉南薰

浙川廳志目錄

卷一

輿地志

總圖
疆域

各圖
山川

天文
古跡

沿革
陵墓寺觀附

建置志

賦役志

戶口

田賦

雜稅

鹽引

卷二

禮樂志

卷三

職官志

人物志

前賢

忠列

善行

仙釋

列士

選舉志

卷四

藝文志

前志
災祥
雜記
附

浙川廳志卷一

輿地志

天文

三河之域星曰鶉火時曰午分曰周值柳星張
之宿初柳七度中星七度終張十四度按開封府
河南府陝州汝州南陽府俱屬張星分野唐僧
一行考班固之漢志陳卓之魏史費直之周易
說蔡邕之月令皇甫謐之帝王世紀以著兩戒

之論於分野最為明析昔人或謂南陽在方城之內漢江之北以楚論之當在翼軫之間以韓論之當屬角亢氐之分及以為在氐房心屬宋之分野者語各遼絕康熙間舊志遵河南通志並中州志悉歸一行之說頗為有見謹考


欽定明史天文志柳四度至張十五度為鶉火之次

河南之南陽府皆張分蓋分野之說以一行為

準而天文之學至

本朝極精今 勅修明史與唐志合則浙川之分星
為張信定論矣

浙川廳分野張宿圖



沿革

浙川廳在禹貢及周禮職方豫州西南域春秋時名都左傳魯僖公二十五年周襄王十七年秦晉伐都杜預注都本在商密秦楚界上小國其後遷於南郡都縣周景王二十一年魯昭公十八年楚平王使令尹王子勝遷許於析實白羽杜注時白羽改為析由是析屬楚地戰國時周赧王十七年秦昭王師出武關攻楚取析十五

城由是析城屬秦楚之交矣秦始皇十六年韓

獻南陽地於秦二十六年始分天下為三十六

郡於穰縣西置中鄉縣屬南陽郡即故析地按

史記漢高帝下析酈攻武關而中鄉之名不甚

著漢初置酈縣析縣

析故城在今城西二十里白亭保左近酈縣故城在

今內鄉縣城北

又置丹水縣

括地志云故城在內鄉縣西南一百三十

里南去丹水三百步明一統志云丹水

城在內鄉縣西南一百二十里即今浙川

哀帝時

改順陽縣為博山縣

故城在內鄉縣西南一百三十里堡南保青山保之

間即今博山屬南陽郡統於荊州部析縣丹水浙川順陽

縣屬宏農郡統於司隸校尉明帝仍改博山為順陽東漢郡國志云順陽故博山與鄜皆為侯國以及析丹水俱屬南陽郡而別置南鄉縣亦屬南陽郡先是更始討王莽析人鄧晔于匡起兵南鄉應之顏師古注云南鄉析縣之鄉名想東漢時分析之南鄉為縣遂以名之也獻帝建

中曾果析南鄉縣為南鄉郡南鄉郡南鄉縣

益之析縣屬焉與南陽並統於荊州部魏篡漢
因之晉武帝太康十年徙封宣帝子扶風王暢
為順陽王因立順陽郡統縣八而改南陽郡為

縣與丹水析並隸焉

按晉太康中杜預左傳注云析縣屬南陽郡則南陽

郡改為順陽郡當是太康末
年事惟灑屬南陽仍俱統於荊州部

東晉成帝咸

康四年復以順陽郡為南鄉郡尋廢析縣入南

鄉而復為順陽郡史載晉安帝義熙元年後秦

王姚興歸南鄉順陽等十三州於晉則南陽順

陽二郡實曾同時並置南北朝時劉宋以析縣
酈縣屬南陽郡順陽縣丹水縣屬順陽郡並統
於襄陽僑立之雍州部尋廢析縣南齊則改順
陽縣為南陽縣與丹水俱改屬順陽郡而酈仍
屬南陽元魏改丹水縣為丹川郡復改順陽縣
為南鄉郡割其西偏為浙川縣而浙川之名從
此始矣尋又因其地在浙水之陽改浙川為西

浙陽郡

故城在今廳城東南
三十里北馬澄保

西魏又於西浙陽

郡立內鄉縣又改新城縣為臨湍縣俱屬西浙
陽郡統於豫州部北周改內鄉為中鄉縣復秦
舊名廢浙川縣并入之又廢丹川郡復為丹水
縣俱屬浙陽郡尋改順陽郡為順陽縣並屬焉

隋文帝開皇初廢南鄉郡為南鄉縣煬帝大業

初仍置浙陽郡復改中鄉為內鄉立浙陽郡治

於此廢析縣並入於南鄉丹水縣並屬浙陽郡

領於浙州改酈為菊潭

故城在今內鄉
縣北菊潭保復臨湍

為新城與順陽並屬南陽郡統於豫州部唐高祖武德二年以內鄉置淅州本淅陽郡治并置默水縣以新城置鄠州割冠軍置順陽六年仍省順陽入冠軍八年廢淅州仍為內鄉并廢默水入馬亦廢鄠州仍為新城并省冠軍入馬貞觀元年分天下為十道諸縣俱屬鄠州南陽郡統於山南東道天寶元年仍改新城為臨湍後五代漢改臨湍為臨瀨周省菊潭並省新復之

默水俱入內鄉臨瀨二縣宋太祖建隆初省臨

瀨分入內鄉及穰縣復分置浙川

故城在今廳城東南三十

里北馬蹬保

太宗太平興國六年升順陽鎮為

縣俱屬鄧州武勝軍統於京西南路徽宗大觀

四年大水漂沒順陽縣金廢浙川縣復並置順

陽及博山二縣俱屬鄧州武勝軍統於南京路

元復廢順陽縣至元二年廢新復浙川縣及博

山縣並入內鄉屬襄陽路統於河南河北道明

初仍舊屬鄧州統於南陽府成化七年從河南
巡撫楊璿奏請於內鄉二十六保內分西境上
白亭下白亭上張陂下張陂淤村馬蹬荆子浙
川順陽板橋等十保復置浙川縣屬鄧州編戶
二十一里後併一十四里至我

大清因之以縣改屬南陽府道光十二年河南巡撫楊
國楨奏准裁汰浙川知縣以南陽府同知改為

浙川廳撫民同知移駐浙川城內仍兼府屬水

利鹽捕等事並移南陽縣縣丞分防荆子關歸

浙川廳管轄其原設典史一缺改為照磨兼司

獄事茲將原案奏咨全稿附刊以備稽考

吏部為遵

旨議

奏事內閣抄出河南省巡

撫楊國楨奏稱欽奉

上諭著各直省督撫

及河督鹽政悉心核議於所轄文職閒員如有
可裁者酌量裁汰據實奏聞等因欽此臣與藩

臬兩司於通省文職正襟各員內詳加體察查
有南陽府屬之浙川縣幅員雖廣多係叢山磽

确之區地瘠民稀撫字催科均屬極簡惟界連
陝楚巡緝較關緊要今擬將知縣一缺裁汰即

以南陽府同知改為浙川廳撫民同知移駐浙
川城內仍兼府屬水利鹽捕等事定為繁難兼

二題缺由外揀補其辦理一切案件仍由南陽府核轉如此一轉移間不特員缺不致冗曠而同知職分較大可與荆子闕副將互相控制於彈壓巡防尤為得力南陽府同知原駐浙川城內嗣因嘉慶七年新設荆子闕副將兵民雜處將該同知移駐彈壓閱今三十年兵民久已相安茲該同知移駐浙川所有荆子闕本可毋庸再駐文員惟該處距浙川城八十里遇有私鹽梟販並酤酒打降等事需員就近稽查巡緝送廳審辦查有南陽縣丞與知縣同駐府城並無專管事件應請將該縣丞移駐荆子闕改為荆子闕分防縣丞歸浙川廳統轄庶巡防益為周密南陽府同知衙門原設廉俸役食史攢等項應全行裁汰所有浙川縣原設廉俸役食史攢及學額倉庫駟馬監獄等項悉仍其舊均歸撫民同知管理其浙川縣典史應改為浙川廳

照磨兼司獄事其廉俸後食等項亦悉
又荆子闕分防縣丞應支廉俸役食等項亦悉
仍南陽縣丞之舊由浙川廳支給報銷以省更
張而歸簡便又現任南陽府同知施諒年力富
強才具明練在任十五年熟悉地方情形今改
為撫民同知仍以該員請補俾資就熟又南陽
縣縣丞繆鈞人頗勤慎今改為荆子闕分防縣
丞亦堪勝任應與現任浙川縣教諭李景槐均
留現改之任其浙川縣典史改為照磨兼司獄
事係從九品應補之缺俟奉准後另行請補所
有裁缺之浙川縣知縣劉兆泰典史席元仁應
請留於豫省遇缺分別題咨另補所有一切未
盡事宜另容分別題咨辦理等因道光十二年
六月初六日奉 硃批吏部議奏欽此欽遵
抄出到部查該撫奏稱浙川縣幅員雖廣係叢
山磽确之區地瘠民稀撫字催科均屬極簡惟

界連陝楚巡緝較關緊要今擬將知縣一缺裁汰即以南陽同知改為浙川廳撫民同知移駐浙川城內仍兼府屬水利鹽捕等事定為繁難兼二題缺由外揀補其辦理一切案件仍由南陽府核轉等語該撫係為地方今昔情形不同因地制宜起見應如所請浙川縣知縣准其裁汰將南陽府同知移駐浙川縣地方改為浙川廳撫民同知定為繁難題缺在外題補其經徵錢糧及承緝命盜等案遇有議處即將該同知職名開報照磨承緝處分即照捕官例開叅該同知辦理一切案件仍由南陽府核轉該撫又稱南陽同知原駐浙川城內嗣因嘉慶七年新設荆子關副將兵民雜處將該同知移駐彈壓閱今三十年兵民久已相安茲該同知移駐浙川所有荆子關本可毋庸再駐文員惟該處距浙川城八十里如有私鹽梟販並酗酒打降等

事需員就近稽查巡緝送廳審辦查有南陽縣丞與知縣同駐府城並無專管事件應請將該縣丞移駐荆子關改為荆子關分防縣丞歸浙川廳統轄等語又南陽府同知衙門原設廉俸役食吏攢等項應全行裁汰所有浙川縣原設廉俸役食吏攢及學額倉庫駟馬監獄等項悉仍其舊均歸撫民同知管理等語查南陽府同知改為浙川廳撫民同知所有原設廉俸役食吏攢等項全行裁汰之處應如所奏辦理其浙川縣原設廉俸役食吏攢等項既據奏稱悉仍其舊應准其均歸撫民同知管理仍按年在該廳奏銷冊內分晰造報戶部查核原設吏攢撥歸浙川廳同知衙門差役原設學額八名廩生增生各二十名二年一貢應改為浙川廳學額悉仍其舊原設駟馬監獄等項准其均歸浙川廳撫民同知管理其浙川縣典史亦准其改為浙

川廳照磨兼司獄事至所稱廉俸役食亦悉仍
典史之舊又荆子關分防縣丞應支廉俸役食
等項亦悉仍南陽縣丞之舊由浙川廳支給報
銷以省更張而歸簡便等語應准其由浙川廳
支給報銷仍令該撫按年在於各項奏銷冊內
分晰造報戶部查核又稱現任南陽府同知施
諒年力富强才具明練在任十五年熟悉地方
情形今改為撫民同知仍以該員請補俾咨就
熟又南陽縣縣丞繆鈞人頗勤慎今改為荆子
關分防縣丞亦堪勝任應與現任浙川縣教諭
李景槐均留現改之任其浙川縣典史改為照
磨兼司獄事係從九品應補之缺俟奉准後另
行請補所有裁缺之浙川縣知縣劉兆泰典史
席元仁等二員應請留於豫省遇缺分別題咨
另補等語應如所請現任南陽府同知施諒南
陽縣縣丞繆鈞浙川縣教諭李景槐等均准其

仍留新改之任至現任裁汰之浙川廳同知照磨一
兆秦典史席元仁等准其留於該省遇有相當
缺出照例補用其新設之浙川廳同知照磨一
缺准其留於該省另行請補至一切未盡各事
宜統俟該撫分別題咨各部辦理等因道光十
二年六月二十六日奉 旨依議欽此相應知
照可也

疆域

東接鄧州界九十里至州一百八十里南接湖
北均州界六十里至州一百二十里西接湖北
鄖縣界三十五里至縣一百九十里北接盧氏

縣界二百八十里至縣四百六十里東南接湖
北光化縣界西南接鄖縣界東北接內鄉縣界
西北接陝西商南縣界南北袤二百四十里東
西廣一百三十里環五百餘里自廳治至南陽
府二百九十里至本省九百一十里至 京都
二千七百八十里

山川

浙環山貫水遠自秦來岵峯與凌巉分峙丹水

競浙河夾流域踞於中卜地允臧矣然則山形
之圓曲水勢之縈紆亦劉夢得所稱名不在高
靈不在深者歟其間溪泉洶湧可作堰渠者居
民引為灌溉或度地以作水磨然涸溢不常變
遷為患近且人力衰少罔有開濬者矣

岵山

城東二十里宋將孟珙大破金武仙時
駐兵於上有四王廟記即周時陟岵先

生隱處巔有泉容升水
恒取不竭不取不溢

雷山

城東南二十里丹江
邊其下上有迴陽觀

麗金山

城東三十里昔傳有里人於此獲金

玉照山

城東八十里上有石壁高仞許截然如削其色青瑩下有潭水連漪宋順陽尉

郭瑞常遊於此名為玉照

太白山

城東八十里峯巒高峻下臨丹水舊指為順陽浙川二廢縣分界處見一統志

白崖山

城東南一百里唐慧忠國師道場山石瑩白如縞素宋范仲淹詩云白崖山下

古禪刹即此明一統志誤謂在內鄉西南三百九十里實內鄉西南百三十里

也彼時浙境尚隸內鄉故云

析隈山

城東左傳秦人過析隈因記其地而名山谷化為析隈山見一統志

蓋子山

城南五里上有府君廟里人祈嗣輒應

象山

城南二十里在樵峪其形如象傍有大池數畝深丈許

火焰山

城南二十里去商於城址五里山勢壁立崖色赤黃如火焰騰灼

四峯山

城南四十里峯頭四出屹然如削其東山頂有穴如井春則生風置葉其中高

飛直上山上有

悟道祖師廟

秦山

城南六十里半屬浙川南即均州界

龍山

城西二十里狀如游龍偃伏於浙江之首

王子山

城西二十里與鮎魚崖對世傳羽王四子擁兵捕盜於此又武仙九砦之一

凌老山

城西五十里上峙五峯屹然天際有八龍三廟

峯峇山

城西一百里峯巒峭拔洞穴玲瓏上有西峯祖師園堂舊傳有天燈見

黃鎖里山

城西北九十里二山相峙其山東南四十里有鎖里洞六十里有黃里洞

丹崖山

城西北九十里其石志赤壁峙霞蔚若江雲秀空二岫更為絕出見一統志

獨阜山

有二山城西北九十里四面無麓元立淇河之中二山相去四里俗以雌雄呼之

蕭山

城西北九十里山氣蕭森登眺曠遠

嵩朵山

城西北一百里

默山

城北三里即宋孟珙將

武山

城北七里其勢迤邐漢光武屯兵此山故名

老虎嶺

城西四十里以山形名後羅縣令更名清風

愁斯嶺

城北二十餘里相傳漢光武過此憫征夫之勞瘁愁斯嶺之難越高語聞野後

以為名

鮎魚崖

城西三十里狀若鮎魚口上有高禰祠武仙九砦之一

月兒崖

城北三里形如半月城西百里亦有之

葛花崖

城西北百里舊出葛花

牛心朵

城北十五里麓圓峯銳狀如牛心

紫旗洞

城東四十里
洞石皆紫

大魚洞

城東南七十里水漲洞
中出大魚一名大龍魚

水簾洞

白崖山北水自嶺出飛下洞
口如垂簾然有詩見藝文志

濕峪洞

城南四十里與漢江通
世傳漢水漲洞水濁

陶仙洞

城西北九十里有真武
帝像知縣劉敬宗有記

鱒魚洞

城北八十里淇河邊清明前後出鱒
魚河水清洞水濁河水濁洞水清

丹水

一名粉青江源出陝西商州西北塚嶺
山翰墨全書出象飲山東流與浙水合
即城西南大河抱朴子云丹水有丹魚
先夏至十日夜洞之魚皆浮水赤光如

火取之割其血塗足上可步行水面王
奔洲集辨其輕近來泛濫無常民受崩
塌之害按丹江係幹河發源陝西秦嶺
下達湖北襄江由陝西商南縣至荆子
關月兒巖入境下由李官橋界河出境
計長二百

三十里

浙水

源自商南縣東流會湯滔回車等河與
丹水合流入淇江即城東馬蹬河元好
問有觀浙江漲歌按浙水係幹河發源
盧氏縣由內鄉西峽口橫坊入境起至
西河口會入丹江止長八十里

小金河

城東關外自塚子坪黑龍泉起由南灣
入丹江宋孟珙進軍敗金武仙處上有

董達橋

湖河

城西五里由黑馬黃龍二泉起流入丹江

滔河

西出郟縣自闕家堂入境起流入丹江水勢滔滔故名

淇河

城西北一百二十里出陝西商南縣商嶺自板高山官庄入境經花園闕西箕

流入浙江

孤堆泉

城東五十里二郎崗西泛溢自若舊傳有人以物測其深淺雨雹竟日赤光閃

閃蓋龍

湫也

神泉

城東北五十里世傳十二龍神所居通石堂出泉

湧泉

城南七里水極清澈自下湧出的如珠見一統志

沱泉

城南二十五里水自山出清明時間出尺魚骨軟水夏涼冬溫俗傳通均州寒

洞出渾水

珍珠泉

城南一百里長壽寺前沸如亂珠故名

瀑布泉

有二一在縣東南百里施臺寺一在崖峇山三丰洞前

龍女泉

在白崖山西峯下有三石竅泉湧其中世傳元時有龍女見像於無聞禪師

黃龍泉

城西二十里一處城南十五里一處

黑馬泉

城西二十里泉自山腰橫出非由地湧與漢江通水之清濁因之

黑龍泉

城北十里

龍泉

城北三十里
嶽嶽可觀

清泉

城西南三十里水色若靛舊產綠毛龜
今無上有龍神廟天旱禱雨輒應見一統志

五海泉

城西北十二里水冬夏不
涸中有五泉五鍋覆之

大泉

城北五十里龍泉寺旁水澄一
鑑自下湧出纍纍若貫珠然

雞鳴泉

城西南三十五里舊有
神雞晨夕鳴於泉內

三潭

在白崖山崖前流泉自上
至倒瀉於下瀦為三坎

古蹟

沂叢爾邑也考周秦以來建治不一遺址猶存

他若駐蹕若行師若學士僊客僑寓煉修其往
躅亦可考而知也

龍城

城東南一百二十里順陽保週圍六里
元世祖為太弟駐兵於此有龍見故名

馬蹬城

城東三十里岵山下週圍一里
有街即舊浙川縣明設驛今廢

順陽城

在順陽保漢為博山縣屬南陽郡明帝
改曰順陽晉屬順陽郡隋仍屬南陽郡

張陂城

城西二十里下張
陂保週圍半里

興化城

浙江之西舊有
縣碑成化間廢

三戶城

城南淤村保週圍一里春秋時晉執戎
蠻子界楚師於三戶即此杜預

左傳註云今丹水縣北三戶亭

商於城

後漢書郡國志南鄉丹水二縣有商城水經注丹水過商縣南又東南逕流南

鄉丹水二縣之間所謂商於者也明一

統志商於城在內鄉縣商於城保秦張

儀許楚商於之地即此按明成化以前

在內鄉為商於城保成化八年分入新

川縣即今廳城

西南淤村保

博山城

城東南百餘里順陽保其城遺址久墮入沂江

析縣

在今白亭張陂二保春秋楚遷許於析即此蓋楚邑也又名白羽

丹水城

漢初所置縣屬宏農郡東漢改屬南陽郡晉屬順陽郡後魏置丹川郡後周廢

縣屬浙陽郡括地志云故丹城在內鄉縣西南一百三十里南去丹水二百步

所謂內鄉實今西峽口以道里推之當在上白亭保舊有鮎魚崖側大水泛出

漢靈帝時丹水縣丞陳宣功勛碑記惜今文在而碑不存矣

漢王城

城西十五里在東嶽廟下世傳漢高祖伐秦經其地築城以屯兵今故址猶存

明一統志謂在內鄉縣北百里蓋彼時浙川屬內鄉也城內有試劍池

南鄉縣

漢縣屬宏農郡東漢改屬南陽郡據水經注當在浙川境內丹崖山南隋志亦

云縣有石隄山尤為明證舊志無此蓋該求古蹟者遺之

張陂鎮

下張陂保宋元置巡檢司

看花樓

在花園關樓置山巔高可萬仞相傳為唐武后建今基址尚存

青雲館

在商於城唐杜牧有詩

四王砦

在城西北十五里金將武仙所置

石穴岩

在馬蹬保石門山宋理宗寶慶中金將武仙屯兵順陽為宋孟珙所敗奔馬蹬

山置大砦於石穴以馬蹬沙窩砦山三砦蔽其前又以麗金默里板橋五子山鮎魚崖五砦翼其傍為砦甚險故址尚存

羅漢洞

在崖峇山中其洞中有石羅漢明尚書胡燧有詩

三丰洞

在崖峇山上神仙及三丰煉丹處人跡罕到

九女洞

城西北九十里未詳所自

漢王洞

城西北一百里其洞深邃莫知所底

石門

在馬蹬保兩崖對起如門

酒婦岡

城北五十里世傳光武困於莽兵忽老嫗以酒進遺址尚存

賽掇石

城南十五里寨口舊傳有三神女掇石累此下卧巨石上加大中承以細者高

可三仞立於沱水之崖頭敬腰榻仰望若飛尋勝者梯緣跡之其巔有剪筵痕

隱然亦奇跡也

窪尊石

在城西浙水之旁即古析縣地石上有窪尊形若曲水流觴之勢相傳春和士

人游衍其上有宋浮休居士張舜民刻
窪尊銘曰天開地成禹析媧并第二行
剝落不可讀第三行可盈不可傾焙以
醉忌平照尚謹爾形內鄉亦有砦在西

峽口西山

舊半山亭

梳洗臺

在荆子保浙江之涓巨石渾成高丈許
方五大世傳唐武后遊幸時梳妝於此

今上有坐

蹟梳篦痕

表忠閣

城東三十里龍巢寺後宋文忠公歐陽
永叔讀書處學士彭凌霄建閣有碑記

載藝

文

韻園

全進士璠舊隱處去城二里許今其姪
孫諸文學仍肄業於中有學士彭凌霄

記見藝文志今聯
迹荒落十僅一二

涉

園

城東郭外選貢彭必夫家園環池漾月
茂竹延風中有碧涵亭水明樓頗堪眺

賞今僅
存舊址

陵墓

古今無百年不敝之人然有百年不敝之名名
既稱於千秋以上墓自傳於千秋以下矣稽古
載誌自有堪為憑吊堪為興起者

丹朱墓

城西北七里丹朱
帝堯子見一統志

四王塚

城東二十五里姑山下即羽王四子塚

范家塚

城東南九十里浙江東岸程寬埠口大塚九處小塚百餘相傳為秦甯家塚墓

而碑石皆亡久矣

魯祭酒墓

在城東一百里順陽川丹江西岸樊村即元祭酒李術魯神墓有內鄉

刑部主事李蔭碑詳人物傳

杜家墓

城西荆子保南陽府知府杜清妻楊氏張氏追封京兆郡君子文秀京兆侯及

孫允忠墓俱在焉

多羅王墓

城西北百里鎖里世

彭侍郎墓

城東五里宮路北明崇禎年為禮部右侍郎兼翰林侍讀學士彭凌霄勅

建石牌坊

今見有

寺觀

天地有常經人心有正理故君子所語者常而
虛無寂滅所弗尚矣然梵刹仙宇剗修自古羽
客縉流詞詠兼及是用載其久遠可考者以志
盛焉

文興寺

在廳治東明成化八年知縣武文建題曰文興志其名也亦以為文教興而異端

息也順治十二年
僧海珍等募重修

觀音堂

在西門正殿三
間大門三楹

武安觀

在廳治城隍廟西成化八年知縣武文
建扁名曰武安識其姓與文興寺並傳

勿朽云明季全光輝穆孔昭補修順治
十二年生員高宗彥補修後傾今僧超
塵街民全心聖
陳養賢復募修

龍巢寺

在城東三十里魏大和初僧德皎創建
因有龍巢於此故名今窟尚在歐陽公

有記

香巖長壽寺

城東南九十里在白崖山有响禪

師所開憲宋聞之迎至京師後一行在長安歸寂肅宗遣使護觀歸葬白崖山鄧守表聞自葬後山中香風一月不絕乃名其寺曰香巖明永樂中僧印妙重修駙馬都尉沐公篆額尚書胡濙撰有碑記書文按明一統志巖作巖內鄉翰林院檢討李藁謂係唐高僧慧忠闢師居此

旋臺寺

城東南七十里與白崖山相連最稱幽勝

崖峇寺

城西一百里吳村店西北舊有梭擺一株在三丰洞之左枯十數年復生又傳

上有天燈今不復見

興化寺

城西南三里元延祐中僧某建即古興化縣治也寺東有古城隍廟遺址舊傳有曉鐘不撞自鳴今無

清泉寺

城西三十里下白亭保明天順八年僧俊傑募建

淨土寺

城東南十五里俗名樵峪寺殿中有泉鑿石穿流通於東厨可以烹飪元至元初傅知賦建文士高隱多游翫其中有詩記詳藝文

興國寺

城西一百八十里花園關

掘山寺

城西七十里上白亭保

珍珠寺

城西南二十里

聖水寺

城北六十里
元至元中建

地藏寺

在城北
三十里

龍泉寺

城北五十里居五峯之中有泉流
紫迴左右境甚幽雅可供肆覽焉

高密侯廟

城東南五十里
祀漢鄧禹

四官廟

在廳治西南倉街明成化八年
知縣武文建舊名三官廟

三官廟

在東關外

百子堂

四官廟西

真武廟

廳治北門內明成化八年
知縣武文建

十五廟

在順陽里

五嶽觀

城西北十五里上張陵保

湧泉觀

城西北六十里景泰三年重建有碑記

龍泉觀

城北三十里板橋保成化五年重修

回陽觀

城東南十五里雷山下境頗清幽唐貞觀三年建古鐵雲板石柱頂猶存正德

八年楊洞真募唐藩重修有碑記順治八年邑庠生李霽明與里人復為募修

雙泉觀

城東五十里明宏治十四年知縣王誥建有碑記

在城南十五里洪水峪明宣德元年重修

聖嶽觀

在城西十五里張陂保明景泰六年重建有碑記

靈應觀

在城西一百里荆子保明景泰年重修

崛山觀

城東二十里馬蹬保

濕峪庵

在城東南五十里唐大厯時建

太山廟

城東十五里康熙二十七年鄧梅募衆復修

東嶽廟

城西十五里

四王廟

城東二十里姑山之陽俗傳羽王四子戰死此地里人立廟祀之今廢故址猶

存有
碑記

亭木魯文靖公祠

在順陽里白崖山黨子谷久廢基址為僧侵占康熙二十

五年生員張著微同其裔魯如玉恢復重建內鄉知縣嘉

興人高以

永首記

楊四將軍祠廟

俗傳將軍治水有功禱雨輒應故農商及船戶咸敬祀之西關荆關李官橋雙河鎮均有祠宇土人述其事迹多不雅馴惟治水禱雨均於政治有關尚非世俗淫祀可比姑附列各祠廟之末

建置志

高城深池設險以守誠至要矣自學校以下建置不一總以治民事神興賢善俗為準昔諸葛武侯之治蜀也下至津梁道路無不修舉非以其精神周密百廢具興乎踵而行之是在司牧者

城池

元魏置浙川縣後屢廢屢置宋太祖建隆初省

臨湍縣入內鄉及穰縣復置浙川縣故城在今
馬澄保岵山陽金廢浙川明成化七年又自內
鄉分置浙川縣南陽府同知盧信知縣武文始
築土城圍方四里高一丈七尺池深如之門四
東迎恩西鎮浙南楚望北天樞城樓更舖俱備
正德十三年知縣熊价因流賊起改磚城浚濠加
深嘉靖六年知縣趙廷璋萬曆五年知縣王道十
年知縣劉承範踵修崇禎十年流賊張獻忠攻

城隍廟事登日崇復新之至十六年闖賊李自成屠城城遂廢

國初知縣馮爾遜肇修其木料磚石廩生全鉉節等公捐李尚松等亦督工出力康熙五十一年知縣秦應光倡捐修築迄今百四十餘年城尚如故其間必有修整之者惜歲久無可復考咸豐六年楚匪擾及宛界連陷鄧州內鄉二城浙境李官橋鎮亦被蹂躪署同知李金修城備禦十

年秋署同知徐光第以東城塌毀太甚左右隍

土崩頽迤南西北百齒弓復勸捐培葺濠亦加深紳士

劉玉書劉杲馬晉錫李全仁劉南薰督工查城

東北隅舊有石口上下二堰春夏則上堰引山

泉灌溉東郊秋冬則下堰引水入濠乾隆二十

五年士民全慎裴紹度全耀基陳上言立碑於

署之儀門外咸豐九年里人因石泐重立

自明成化八年置縣之初立學於縣治東南知縣武文首其事正殿兩廡門堂齋厨諸所悉修既御史李叔和知縣沈鉏趙廷璋王宗堯陳柏王道李芳先後續修至萬曆二十二年知縣王麟趾以明倫堂基址改建大成殿以尊經閣基址改建明倫堂以舊大成殿基址改建啓聖祠其廡祠諸所係後四十一年知縣宋應蛟修天啓元年知縣楊夢弼又修四年教諭金之純增

修崇德廣業二門迨明末僅存正殿櫺星戟門
國朝康熙十四年知縣于先登會衆捐資重修兩廡
與鄉賢名宦二祠二十年教諭栗森復率紳士
捐修二十六年知縣王然重加修整始書立從
祀先賢先儒神牌二十八年知縣郭治五十一
二年知縣秦應光五十四年教諭毛元文訓導
傅汝礪乾隆四十九年知縣許耀廷累加補葺

自時厥後直至嘉慶十八年同知王郭如

庚生率紳士吳繼賢孫煥林等捐資重修咸豐
二年至五年教諭衛雅隨同撫民同知崔燾及
署事任汝修董元新歷任勸捐修葺迨六年署
同知李金任內落成明倫堂及教諭署一律完
整今文廟在廳治正南與明時居縣治東南武
文首建之地基稍異或中間略有遷徙耳計大
成殿五間兩廡各五間殿前為櫺星門三楹左
右角門各一間櫺星門前中為泮池前左名宦

祠三間祠後為節孝貞烈祠三間前右鄉賢祠三間又省牲所一間又前為戟門三間又前照壁一

道圍牆四周左角門題曰德配天地右角門題

曰道冠古今大成殿後明倫堂三間明倫堂後

崇聖祠三間即舊啓聖祠又崇聖祠東忠義祠

孝弟

三間舊志社學二所一在縣治西小街一在馬

蹬店龍巢舖左義學兩楹在聖廟東康熙二十

七年知縣王然奉文建五十一年知縣秦應

光重加整理又於東馬墜荆子關李官橋添設

義學三處今俱久廢

咸豐十年教諭衛雅以貞烈節孝祠傾圮勸捐重修

壇廟

社稷壇在西門外壇制東西各二丈五尺南北稱之高三尺陞四出各三級雍正十三年奉文

繚以周垣四門朱色出入自北門壇高二尺五寸

正中立石主埋土中露圓頂西北隅設瘞坎深三尺寬四尺神牌高二尺四寸寬六寸座高五

寸寬九寸五分朱地青字書本廳社神之位一
本廳稷神之位一

風雲雷雨山川城隍壇在南門外東南約半里
壇制及神牌尺寸俱同社稷出入自南門神牌
一風雲雷雨之神一本境山川之神一本境城
隍之神

先農壇在東門外雍正五年奉文建壇壇制方
廣俱二丈五尺高二尺一寸陸四出各三尺十

三年奉文繚以周垣三門朱色出入自南門神
牌尺寸與社稷同朱地金書先農之神壇東藉
田五畝每歲藉穀七石六斗動用染盛米社稷山
川壇二斗風雲雷雨壇二斗先農壇三斗聖廟五斗關
廟三斗文昌祠一斗魁星閣一斗八蜡祠一斗七升五合
城隍廟二斗忠義節孝祠一斗餘穀變價存庫

八蜡祠在東門外正殿三間大門一座牆垣四周
咸豐九年七月雨久傾圮十年署同知徐光第

江川縣志 卷之十一 城隍廟
諭附生劉杲等勸捐督修如初

邑厲壇在北門外

文昌祠即崇文書院在聖廟東嘉慶年間知縣
李庚生建計講堂三間齋房十八間大門三間
遊廊十八間廚房六間內建文昌殿三間啓聖
祠仍其舊其東偏為山長書齋七間面浚曲池
環以垣約數十丈前立一坊曰雲路顏其齋曰

志道據德依仁游藝署其門曰崇文書院計甬

廉數千緡厥後半就傾頽咸豐元年署同知趙
樹桐重修計正殿三間正殿前講堂三間東西
廂各三間大門三間正殿北為後殿三間東西
廂各三間

關帝廟有二一在北門外明萬歷二十九年知
縣錢淞建三十一年重修邑人史學千加修撰
碑三十三年邑紳彭凌霄又加修撰碑康熙十
二年知縣張國用修五十九年知縣崔錫重修

一在城內廳治西明成化間建萬厯間修崇禎十六年流寇李自成屠城廟燬順治初年知縣馮爾遲率士民客商重建康熙四十四年同知何錫爵王燧知縣魏重輪修乾隆元年同知

知縣黃廷相重修十一年同知王穆知縣李

林創建崇聖殿二十四年同知佟世虎重修三

十一年同知謝昌言知縣沈文亨於廟內建財

神殿四十九年同知楊廷芳羅楮知縣許耀廷

重修加建拜殿前軒圍牆門戶增飾演劇樓大
門口神馬一大門外石獅二嘉慶十一年山陝
商人拆修正殿高於前者二尺基高於前者三
尺後殿拜殿山門戲樓圍牆一律修整作為山
陝會館至道光三十年同知崔燾因商賈雜還
褻瀆神靈飭令會館他徙遂為關廟如初

龍王廟在關帝廟正殿西三間乾隆四十九年
同知楊廷芳羅楯知縣許耀廷建

城隍廟在廳治西周圍共地基七畝一分三釐

五毫明成化九年知縣武文建隆慶四年知縣

陳柏重修明末傾圮我朝順治十一年知縣

盧敏莪十六年知縣鄭廷才重建乾隆十三年

同知王穆知縣汪文在李林建大門三間有左右

角門中係二十四年同知佟世虎知縣支廣德

賈克昌重修計演劇樓東西廊房各十四間東

附祀土地神馬王殿三間

東西又各三間後殿三間東西廂各十間

火星廟本在城內文興寺西之小東街離署東約百步舊志載明成化八年知縣武文建本

朝康熙二十年防司王世傑典史陳璋倡修乾隆十四年同知吳文彬周書田知縣李庚生因其地窄小欲擇地更新捐廉置東門內閭姓房宅一所即欲改遷力有未逮道光六年監生南士魁睢希顏又添置旁地以拓其基而均未

及興造至二十年署同知羅傑又捐廉買溫姓
全姓宅院并而為一益以民捐即其地移舊廟
木石重建新廟於東門內監生尚志生員劉澄
梁振清督工計大門三間有左右角門中為演
戲臺正殿三間前新三間迤西三間為藥王殿迤東三間
即俗稱娘娘殿東西官廳各三間後殿三間東
西廂各三間

原公祠 今久圮俗稱遺址為原

武公祠

今已久圮合祀於原都壇

節義祠

本祀哀節烈諸婦女嗣因祠祀別立神牌與原公墓公武公合祀於原都壇
位置非宜且文廟側自有節孝祠今謹遵祀典於節孝祠內祭之

馬王廟在廳治東北正殿三間前軒三間其一
在隍廟西一間

倉神廟

獄神廟

衙神廟

即土地祠

公廨

廳署本係縣治枕城之北墉明成化八年浙川縣令武文創建大堂各房俱全自大堂以前崇禎十年四月流賊張獻忠攻城被陷羣房均燬止留戒石亭大堂以後中廳夾室書房及內宅并內宅迤東之新宅尚存至

國初將中庭改為大堂餘房僅存數椽康熙二十二年知縣白光輝重建大堂及儀門大門五十二年

宅諸屋至道光十二年升縣為廳即以縣署為
廳署大門三間外照壁一座添設吹鼓亭東西
各一座計大門內為儀門三間左右角門各一
間迤東衙神祠三間迤西捕班公所五間儀門
內中為大堂五間其東西兩邊各分一間作庫
大堂前甬道上立戒石亭甬道旁東西列頭二
壯頭二快頭二阜六班公所十二間又東列吏戶
禮科房六間西列兵刑工科房四間又西係監

獄九間大堂後為宅門宅門內中為二堂三間
又前軒一間東西廂房各三間二堂後三堂五間
中南向東西皆北向三堂後四堂七間四堂後
空園一所後壁及東西圍牆俱備二堂東花廳三
間書房三間三堂東書房前後各三間又西向
書房三間三堂西書房三間又東向書房三間
其書房及廂房咸豐間經署同知趙樹桐蕭厚

均王官亮寶任同知高屋務建元年

光第移建甬道旁六班公所於儀門外左在
布政司行臺在廳治西詳後舊廳署注

按察司行臺在布政使行臺西康熙間舊志已
云久廢

南陽府同知舊署康熙二十二年鄧文詔由衛
輝府管糧同知改為南陽府鹽捕水利清軍廳
同知駐紮淅川縣城內修理縣治西布政司行
臺為衙署於當年六月移駐迨嘉慶七年因荆

子闕添設副將都司等官及額兵名數因移同知駐紮荆關分司彈壓及道光十二年裁淞川縣知縣改為淞川廳撫民同知仍兼南陽府鹽捕水利事務因又由荆關移駐城內即以縣署為廳署由是縣治西清軍廳舊署遂廢日就坍塌至咸豐六年未倒者止大門大堂耳署同知李金拆卸甃瓦木料補修城墻其基址十三畝

餘為清查業內官地八年署同知王官亮并以

其地施入文昌祠矣

儒學教諭署在學宮明倫堂東

縣丞署在荆子關即嘉慶七年南陽府同知由
浙城移駐之故署

照磨署在廳治東即典史故廨

副將署在荆關土城內

荆關左營都司署在副將署西

荆關城守營署在都司署西

西坪汛千總署在西坪街

李官橋汛千總署在李官橋鎮

浙川城守營把總署在城內城隍廟街

穆家埡汛把總署在穆家埡

倉廩

預備倉舊志載縣署南明成化九年知縣武文建

隆慶六年知縣常乾亭修經亂被焚

國朝順治三年知縣錢綈修康熙十五年知縣張國
用修二十九年知縣郭治重修今久頽圯僅存
五楹

義倉在預備倉西康熙四十年知縣于先登建
以貯勸輸之粟者今久廢

常平倉在北門路東康熙三十三年知縣孫堪
奉文添造計廩房二十三間倉神祠三間立有
碑記今尚存倉神祠及廩房十八間咸豐八年

又坍塌六間署同知王官亮補葺

馬蹬社倉六間

李官橋社倉六間

白亭社倉六間

荆子關社倉六間

劉梅集社倉六間

淤村社倉六間

程寬埠口社倉六間

黃河店社倉六間

煖泉口社倉六間

杜家巷社倉六間

花園關社倉二間

盪堰社倉二間

以上社倉十二處從舊卷查出皆係民放民收今已久廢

附 養濟院三間在南門內

普濟堂二十六間在東關外

育嬰堂三間 在南門內

營汛

廳治西北九十里為荆子關明時與治西北二百二十里之花園關並稱花園關巡檢司已於順治間裁汰荆子關西北與陝西商南縣接壤西與湖北鄖縣接壤界連秦楚水陸並通士民商賈雜處誠要地也道光七年因湖北徐二寡

婦反奉文建土城於關內設一汛

盧浙分左右營現在浙境者荆關左營都司一員荆關城守營千總一員西坪汎千總一員李官橋汎千總一員穆家埡汎把總一員荆關存城經制外委一員其舊有之浙川城守營一員亦歸節制焉其營制官制之沿革兵數餉銀之增減俱詳加查覈備列於職官門武弁之後茲不具載

墩舖

馬蹬店塘汎營房五間

城東三十里

紫旗舖塘汎營房五間

城東五十里

神泉舖塘汎營房五間

城東五十里按城東七十里將軍嶺內鄉交界

土地嶺塘汎營房五間

城南三十里

袁家坪塘汎營房六間

城東南四十里

倉房塘汎營房六間

城東南百里

李官橋塘汎營房七間

城東南九十里按城東南百里韋家集鄧州交界

香河塘汎營房六間

城西南二十五里按開家

白亭塘汎營房八間 城西南四十里

柳泉舖塘汎營房六間 城西五十里

石廟灣塘汎營房八間 城西六十里

東吳村塘汎營房五間 城西北百里

尖角塘汎營房四間 城西北百二十五里陝西商南縣交界

白浪口塘汎營房八間 城西北百二十里湖北鄖縣交界

孫家舖塘汎營房五間 城西八十里

小陡嶺塘汎營房六間 城西北百五十里

穆家堖塘汎營房七間

城西北百七十里

西坪街塘汎營房五間

城西北二百十里

花園關塘汎營房九間

城西北二百十五里

靈官殿塘汎營房六間

城西北二百三十里

界牌塘汎營房七間

城西北二百三十里

暖泉口塘汎營房五間

城北五十里

兩黃口塘汎營房六間

城北九十里按城北八十里橫坊內鄉縣交界

蠻子營堡 城東三十里

岵山寨 城東四十里

桐柏廟堡 城東五十里

上劉梅集寨 城東五十五里

樵峪寨 城南三十五里

鬧峪寨 城西南四十里

高媒祠堡 城西南五十里

滔河寨 城西三十五里

申明舖寨 城西二十里

東嶽寨 城西北三十里

石廟灣堡 城西北五十里

西黃寨 城西北八十里

下蒿坪寨 城西北三十五里

上蒿坪堡 城西北六十里

橫坊堡 城北六十五里

屈山寺堡 城北七十五里

西黃堡 城北八十里

東黃堡 城北八十五里

龍泉觀堡 城東北五十里

西坪頭堡 城東北七十里

沙河菴堡 城東北八十里

北鎖堡 城東北八十里

北鎖寨 城東北九十里

里甲

浙川里
下上五甲

馬蹬里
下上五甲

淤村里
下上五甲

板橋里
下上五甲

武丁里
下上五甲

岵山里
下上五甲

雷山里
下上五甲

上張里
下上五甲

下張里
上五甲

上白里
上五甲

下白里
上五甲

荆子里
上五甲

順陽里
上五甲

新興里
上五甲

集鎮

舊志各店

程寬埠口店

在順陽保去城東南七十里今有集

康家店

在城南十二里

全家店

在板橋保去城北二十五里

石廟灣店

在白亭保去城西五十里

鶉鴿峪店

在上白亭保去城西七十里

吳村店

在城西九十里

黃河店

在吳村東北去城七十里今有集

陳家店 在城東五十里

白亭店 在城西三十里今有集

柴家店 在城南十五里

東嶽廟店 在城西十五里

張豁字店 在清風嶺去城西三十里

磨峪店 在清風嶺西去城五十里

吳家店 在板橋保去城北三十里

鎖河口店 在板橋保去城西北七十里

史家店 在吳村去城西九十五里

劉梅店 在板橋保去城北四十五里

南馬蹬店 在馬蹬保去城東南三十里

李尚仁店 在南鎮里去城西北七十里

近今集鎮

雙河鎮 在武丁保城東二十五里即丹浙二水交會處道光十三年被水緣市集遂衰

南馬蹬街 在馬蹬保城東三十里有村廡今無集

北馬蹬街 在馬蹬保城東南三十里舊四大鎮之

二郎岡 在武丁保城東五十里今無集

盪堰 在順陽保城東九十里

程家埠口街 在順陽保城東南七十里

李官橋 在順陽保城東南九十里舊四大鎮之一
今有大集

滔河街 在下張保城西三十里有小集

白亭街 在下白保城西三十里舊四大鎮之一
今有小集

西坪鎮街 在岵山保城西二百十里舊四大鎮之一
今有小集

荆子關街 在荆子保城西北百二十里今有大集

上集街在板橋保城北五十里有小集

水田街在武丁保城北七十里有小集

蠻子營街在板橋保城北三十里今有小集

溝渠

東路三里橋渠

自石口堰起至全家灣止長五里而寬五尺底寬四尺深五尺

全家渠

自三里橋起至南灣止長二里而寬五尺底寬四尺深五尺

沙渠

自胡家溝起至南河止長一里半而寬六尺底寬四尺深五尺

安家渠

自紅嶺根起至五龍廟渠止長三里而寬八尺底寬六尺深五尺

陳家渠

自葉家溝起至南灣止長三里面寬八尺底寬五尺深七尺

武家渠

自望城岡起至南河止長二里面寬四尺底寬三尺深三尺

老龍渠

自竹園溝起至南河止長二里面寬五尺底寬四尺深三尺

柳家渠

自中嶺起至南河止長三里面寬一丈底寬八尺深五尺

張家渠

自岵山根起至浙水河止長三里面寬一丈底寬八尺深五尺

趙家渠

自劉家溝起至南河止長二里面寬四尺底寬三尺深三尺

岵山渠

自福前山根起至浙水河止長二里面寬六尺底寬四尺深三尺

黑龍渠

自馮家溝起至浙水河止長二里面寬三尺底寬二尺深二尺

四龍渠

自窰峯岩起至李家樓小河止長二里
面寬五尺底寬四尺深四尺

路南七龍渠

自坡根起至樵峪小河止長二里面寬
五尺底寬三尺深四尺

姚家渠

自寨根起至洪水河止長二里面寬四
尺底寬三尺深四尺

左家渠

自鐵山根起至洪水河止長半里面寬
三尺底寬二尺深四尺

焦皮灌渠

自柴家坡根起至堂溝止長二里面
寬四尺底寬三尺深四尺

陳家渠

自王家坡根起至南馬蹬河止長二里
面寬四尺底寬二尺深四尺

西路楊家渠

自徐家塆起至湖河止長二里面寬五
尺底寬四尺深四尺

劉家渠

自乾溝起至湖河止長三里面寬五尺
底寬四尺深四尺

燕家渠

自舊家溝起至小河止長三里面寬五尺底寬四尺深四尺

鄭家渠

自大潭溝起至小河止長三里面寬四尺底寬三尺深三尺

張家渠

自菴溝起至小河止長三里面寬五尺底寬四尺深五尺

冉家渠

自路溝起至小河止長三里面寬七尺底寬五尺深五尺

姜家渠

自井溝起至羅山嘴止長二里面寬四尺底寬三尺深三尺

馮家渠

自老墳岡起至丹江止長二里面寬四尺底寬三尺深三尺

多家渠

自東坡溝起至丹江止長二里面寬四尺底寬三尺深三尺

黃家渠

自東坡溝起至丹江止長二里面寬五尺底寬四尺深三尺

王家渠

自井溝起至丹江止長二里面寬四尺底寬三尺深三尺

黃家渠

自凉水泉起至丹江止長二里面寬四尺底寬三尺深三尺

楊家渠

自孫家溝起至丹江止長二里面寬五尺底寬四尺深五尺

楊家渠

自觀溝起至丹江止長半里面寬八尺底寬七尺深三尺

孫家渠

自觀溝起至丹江止長三里面寬六尺底寬四尺深三尺

胡家渠

自孤峪溝起至丹江止長三里面寬五尺底寬四尺深三尺

李家渠

自大潭溝起至小河止長二里面寬五尺底寬四尺深三尺

李家渠

自石榴溝起至東岳廟小河止長二里

段家渠

自潭溝起至東岳廟小河止長二里面寬七尺底寬四尺深三尺

胡家渠

自胡家溝起至小河止長三里面寬五尺底寬四尺深三尺

張家渠

自胡家溝起至小河止長三里面寬四尺底寬三尺深三尺

營房渠

自西山根起至湖河止長二里面寬三尺底寬二尺深二尺

北
路姬家渠

自魁溝起至護城渠止長二里面寬三尺底寬二尺深二尺

劉家渠

自響潭溝起至護城渠止長二里面寬六尺底寬五尺深四尺

姬家渠

自愁斯嶺起至浙水河止長二里面寬五尺底寬四尺深五尺

劉家渠

自武山根起至槽溝止長半里面寬五尺底寬四尺深五尺

夏家渠

自豐子山根起至浙水河止長半里面寬五尺底寬四尺深四尺

古家渠

自黑廟渠起至浙水河止長二里面寬五尺底寬四尺深四尺

尚家渠

自楊溝起至小金河止長二里面寬五尺底寬四尺深五尺

姜家渠

自分水嶺起至劉家渠止長二里面寬八尺底寬六尺深五尺

劉家渠

自分水嶺起至劉家渠止長二里面寬八尺底寬六尺深五尺

堤堰

東路黃郎嘴堤

自山根起至陳家營止長一百八十五尺現在堤身底寬一丈二尺頂寬五

尺高五尺

石口堰 長一百八十丈現在底寬七尺面寬五尺

南樊家堰 長一百八十丈現在底寬八尺面寬五尺高三尺

杜家堰 長九十丈現在底寬六尺面寬四尺高三尺

陳家堰 長一百八十丈現在底寬五尺面寬三尺高三尺

孫家堰 長二百七十丈現在底寬四尺面寬三尺高三尺

古家堰 長一百八十丈現在底寬五尺面寬三尺高三尺

劉家堰 長一百八十丈現在底寬四尺面寬二尺高三尺

黃家堰 長二百七十丈現在底寬四尺面寬三尺高三尺

吳家堰 長二百七十丈現在底寬四尺面寬三
尺高三尺

大堰 長一百八十丈現在底寬四尺面寬三尺
高三尺

柳扒堰 長一百八十丈現在底寬四尺面寬三
尺高三尺

陳家堰 長一百八十丈現在底寬四尺面寬三
尺高三尺

老堰 長一百八十丈現在底寬三尺面寬四尺
高三尺

周家堰 長九十丈現在底寬三尺面寬二尺高
三尺

楊家堰 長九十丈現在底寬四尺面寬三尺高
三尺

津梁

路馬蹬渡 城東南三十里

獅子岡渡 城東十五里

雙河鎮渡 城東南二十五里

白豆灘渡 城東南四十里

關防灘渡 俗稱光華灘 城東南四十五里

巡路口渡 城東南六十里

程寬埠口渡 城東南七十五里

李官橋渡 城東南九十里 其地
有李官人橋故名

楊家岡渡 城東南百里

黨子口渡

城東南百十五里內鄉光化二縣交界

路南河渡

城南三里

路西河渡

本在城西三里許近年河身東徙渡口近在關外

東嶽廟渡 城西北十五里

呂家河渡 城西北三十里

白亭渡 城西北四十里

娘娘洞渡 城西北五十里

石廟灣渡

城西北六十里

高牛灣渡

城西北七十里

孫家鋪渡

城西北八十里

王家河渡

城西北九十里

西吳村渡

城西北百里

荆關渡

城西北百二十里

尖角渡

城西北百四十里

西坪渡

城西北二百十里

板橋渡 城北三十里

下劉梅集渡 城北四十里

上劉梅集渡 城北五十里

暖泉口渡 城北五十五里

街坊

署前街

東大街

南街

西大街

北街

東小街

西小街

宣化坊 在署前知縣武文建

儒林坊 在儒學街西知縣武文建

育材坊 在儒學街東知縣陳柏建

聚奎坊 在奎樓前知縣楊夢弼建

原书缺页

原书缺页

進士坊 在城東街為王尚志立

雙桂坊 在城西街為己酉科舉人馬思誠魏瑄立

鵬化坊 在白亭南正統年為內鄉縣舉人嚴太立

綸扉碩望坊 在城西街為翰林彭凌霄立

貞節坊 在城東隰為全琬妻李氏立

舉人坊二 俱在東門裏成化乙酉為王浩立一宏治辛酉為馬瑾立一

孝子坊二 一在城西申明舖為劉待徵立一俱廢一在城北街為穆孔曙立

貞烈坊 在城西街康熙庚申年為謝耶妻陳氏立

賦出於地而開墾則全賴人丁浙川山水占其
七平原僅居其三其在盛時人浮於地坡嶺沙
灘無不種植故地無曠土賦籍亦多明末兵燹
後邱陵皆成榛莽川澤一任衝決人烟稀而田
土愈隘我

大清定鼎以來除荒徵熟勸課之詔屢下有司實力奉
行草萊漸開成熟地較前數倍賦稅因以日增

查康熙二十九年舊志所書丁糧地糧合而計之與今額徵丁地總數幾至加倍嘉慶間續修南陽府志中所載乃定數也其解司與分解各款及留支細目現定章程府志未載謹逐一查明開列

戶口

舊額九則入丁一萬九千三百六十六丁歲徵

丁銀二千二百三十四兩八錢

順治十六年己亥九則活丁三千六百三十八
丁歲徵丁銀二百九十二兩四錢三分內除紳
衿優免丁銀六十一兩五錢實徵丁銀二百三
十兩九錢二分自己亥年至今現在九則活丁
六千六百八十七丁歲徵丁銀四百八十四兩
八錢內除紳衿吏優免丁銀四十兩一錢五分
實徵丁銀四百四十四兩六錢五分外扣解吏

丁銀八錢五分

以上康熙二十九年舊志所載

南陽府舊志原額人丁一萬九千三百六十六
丁原額丁銀二千一百三十四兩八錢內除逃
亡人丁一萬八十八丁逃亡丁銀一千五百二
十五兩四錢五分現在徵賦人丁九千二百七
十八丁應徵丁銀六百九兩三錢五分又

盛世滋生戶口人丁四千六百三十三康熙五十二年
欽奉

恩詔但據康熙五十年丁冊定為常額續生人丁永

不加賦雍正四年以巡撫田文鏡奏請奉准
部覆以各邑丁糧均攤於各邑地糧之內無論
紳衿富戶不分等則一例輸將按每地糧一兩
該攤派丁銀八分一釐三毫九絲二忽七微三
纖二沙五塵四埃以雍正五年為始攤入地糧
內徵收

田賦

舊額四則地共一萬六百九十二頃八十二畝

一分八釐五毫舊額銀二萬四千五百三十兩
二錢二分三釐七毫八絲三忽一微六纖

順治十六年乙亥成熟四則地共一千一百三
十一頃六十二畝五分二釐一毫二絲歲徵銀
三千三百三十八兩七錢一分七釐四毫九絲
八微內除紳衿優免銀三百一十一兩三錢八
分七釐五毫實徵銀三千二十七兩三錢二分
九釐九毫九絲八微自順治十六年乙亥至康

熙二十九年庚午成熟四則地三千七十頃一
十畝六分六釐一毫八絲歲徵銀四千三百三
十四兩六錢六毫七絲內除紳衿吏優免糧銀
二百兩三分六釐實徵銀四千一百三十四兩

五錢六分四釐六毫七絲

以上康熙二十九年舊志所載

南陽府舊志原額地一萬六百九十二頃八十二
畝一分八釐五毫原額銀一萬四千九百六兩
六錢八分四釐一毫一絲八忽一微六纖又萬

歷年間每畝加增九釐原額銀九千六百二十
三兩五錢三分九釐六毫六絲五忽二項共原
額銀二萬四千五百三十兩二錢二分三釐七
毫八絲三忽一微六纖遇閏加額銀四百四兩
一錢五分七釐一毫內分

水地三百五十九頃四十五畝七分四釐八毫
九絲每畝照依則例派銀一錢六釐六毫五絲

七忽四微七纖六沙五埃一渺共派銀三千八

百三十三兩八錢八分二釐八毫五絲二忽四
微二纖四沙遇閏加額銀六十三兩一錢六分
六釐七毫每畝照依則例派銀一釐七毫五絲
七忽二微八纖

上地二千三百八十四頃一十二畝六分三釐
九絲每畝照則例派銀四分五釐七毫一絲三
忽四纖六沙八塵七埃九渺共派銀一萬八百
九十七兩九錢二分四釐五絲八忽七微三纖

七沙過閏加額銀一百七十九兩五錢五分三釐三毫每畝照依則例派銀七毫五絲三忽一微二絲

中地一千七百八十四頃四十八畝四分九釐每畝照依則例派銀二分四釐三毫七絲八忽八微五纖八沙四塵九埃九渺共派銀四千三百五十五兩三錢七分四毫八絲七忽一微五纖九沙過閏加額銀七十一兩六錢七分六釐三

毫每畝照依則例派銀四毫一忽六微六纖四沙

下地六千一百六十四頃七十五畝三分一釐

五毫二絲每畝照依則例派銀八釐八毫三絲

七忽三微三纖三沙七塵三埃共派銀五千四

百四十八兩四分六釐三毫八絲四忽八微四

纖遇閏加額銀八十九兩七錢六分八毫每畝

照依則例派銀一毫四絲五忽六微三沙一塵

行
志
卷
之
一
田
賦
三

九埃內於順治三年正月間經巡按甯具

題奉

旨免荒徵熟應除荒蕪地四千七百三十九頃六十
五畝一分九釐一毫一絲八忽除荒免徵銀一
萬七千三十四兩四錢七分三釐現種成熟及
康熙九年起到至雍正十一年止勸墾自首共地
五千九百五十三頃一十六畝九分九釐三毫

八絲二忽共派銀七千四百九十五兩七錢五

分共該攤派丁銀六百九兩三錢五分

以上民田及勸墾自首除荒豁免外實徵起存
折色等項共該銀八千一百五兩一錢遇閏加
額銀一百二十二兩八錢八分九釐共該銀八
千二百二十七兩九錢八分九釐

解支各項定數

額征丁地正銀八千一百零五兩一錢

遇閏加一百
二十兩八
錢八分九釐

一解藩司丁地正銀六千四百一十七兩四

清川府志 卷之一
錢五分五釐

一解司顏料銀十一兩五錢四分九釐

一解司撥協改解銀六十八兩九錢五分四釐

一解司本府同知俸工銀一百九十兩四厘

一解司孤貧小建銀三錢

以上四款裁歸
丁地項下併解

一解臬司裁扣銀三兩六錢

一解糧道漕項銀三十七兩六錢一分二釐

一解河道河夫銀一百九十四兩五錢九釐五分

一解司鄉飲銀一兩四錢

一留支祭祀俸工役食等銀一千一百六十八兩六錢六分七釐

額征隨正加徵一二耗羨銀九百七十二兩六

錢一分二釐

遇閏加十四兩七錢四分七釐

一解藩司耗羨銀六百三十二兩三錢五分四釐

一留支本廳公費銀一百八十兩

一留支縣丞養廉銀八十兩

一留支照磨養廉銀八十兩

一留支建蓋營房地基錢糧銀二錢五分八釐

附留支逐款細數

廉俸工食均扣解六分平銀

咸豐九年以歸德添設總兵又奉部議每役食銀一兩無閏扣解軍餉銀三

錢一分六毫三忽七微有閏扣解三

錢三分六釐五毫一絲六忽六微

南陽府快旱工食銀四十二兩

禁卒工食銀六兩

本廳俸銀八十兩除荒實徵銀九兩二釐

門子工食銀十二兩

早隸工食銀九十六兩

馬快工食銀四十八兩

馬快喂馬草料銀十七兩二錢八分四釐成
豐八年四月奉文裁解
民壯工食銀一百六十兩

禁卒工食銀四十八兩

庫子工食銀二十四兩

傘扇夫工食銀十八兩

轎夫工食銀二十四兩

斗級工食銀二十四兩

鋪司工食銀一百九十二兩

河渡夫工食銀九兩

驛馬草料鞍雇雇夫銀三十五兩一錢咸豐八年五月奉文扣六分平

文廟修理銀二兩一釐

文廟祭祀銀四十兩

武廟祭祀銀四十兩

文昌祭祀銀四十兩

各壇廟祭祀銀二十八兩七錢三分六釐

孤貧口糧銀二十一兩三錢

孤貧棉衣銀二兩一分九釐

儒學泮銀四十兩

喂馬草料銀一兩二錢咸豐八年四月奉文

裁解

齋夫工食銀十八兩

門斗工食銀七兩二錢

廩糧銀五十六兩咸豐八年五月奉文扣平

膳夫銀四十兩咸豐八年五月奉文扣平

縣丞

俸銀六兩二釐

門子工食銀六兩

早隸工食銀二十四兩

馬夫工食銀六兩

照磨

俸銀六兩三錢七釐

門子工食銀六兩

早隸工食銀二十四兩

馬夫工食銀六兩

雜稅

老稅銀一兩五錢

活稅銀五兩一錢六分

牙稅銀三兩一錢五分

新增牙稅銀六兩五錢九分

盈餘稅銀十八兩三錢零五分五毫

新認牙帖稅銀四兩五錢

當稅銀 現無當典

房地稅銀 無定額

鹽引

食河東鹽歲額引一千八百五十四張每季徵
銷四百六十四引